



ASUNTU: CAMPAMENTU DE BRANU 2023

Dende'l Plan d'Infancia y Adolescencia del Ayuntamiento de Castrillón vienen entamándose dende va años actividaes d'ociu y tiempu llibre en periodos vacacionales.

Esta necesidá vese reflexada nel III Plan d'Infancia y Adolescencia, en concreto nel área de PROTECCIÓN Y FAMILIES, estableciendo como oxetivu "Consiguir que los derechos de tolos NNA se cumplan y que tengan les sos necesidaes cubiertes, poniendo atención nes situaciones de mayor necesidá", enmarcando entre otre actuaciones les siguientes:

- d) Ufiertar actividaes en temporada non lectiva, de forma inclusiva y descentralizaes de Piedrasblancas.
- e) Ofrecer serviciu d'apertura temprana y comedor nes actividaes d'ociu y tiempu llibre cuando les vacaciones escolares.

Por ello, y col apoyu na financiación del Plan Corresponsables (Gobiernu del Principáu d'Asturies/Ministeriu d'Igualdá), dende l'Ayuntamiento de Castrillón ponse en marcha un programa que facilita la conciliación de la vida familiar y llaboral nel periodu non lectivu de branu. Esta ye una ufierta nueva d'actividaes d'ociu y tiempu llibre que tien como oxetivu promover la conciliación de la vida personal, familiar y llaboral de les families del nuestro conceyu, ofreciendo a los neños y a les neñes de Castrillón un espaciu seguru nel que van desenvolver actividaes con una metodoloxía participativa, creativa, inclusiva y lúdica, que fomenten valores como la tolerancia, la igualdá, la cooperación, el respetu, los bonos tratos, la creatividá y el mirar pol mediu ambiente.

1.- FECHES:

Les actividaes van desarrollase nel periodu non lectivu del 26 de xunu al 7 de setiembre de 2023. Van organizase por selmanes, de llunes a vienres sacante los díes festivos, y cada participante va poder escoyer un máximu de 4 selmanes.

Selmana 1.- 26,27,28,29,30 de xunu

Selmana 2.- 4,5,6,7 de xunetu

Selmana 3.-10,11,12,13 y 14 de xunetu

Selmana 4.-17, 18,19,20 y 21 de xunetu

Selmana 5.- 24,25,26,27 y 28 de xunetu

Selmana 6.- 31, de xunetu 1,2,3 y 4 d'agostu

Selmana 7.- 7, 8, 9, 10 y 11 d'agostu

Selmana 8.- 14,16,17 y 18 d'agostu

Selmana 9.- 21, 22, 23, 24 y 25 d'agostu

Selmana 10.- 28,29,30,31 d'agostu y 1 de setiembre

Selmana 11.- 4, 5,6 y 7 de setiembre

2.- PERSONES A LES QUE SE DIRIXE.

Estes actividaes de conciliación tán dirixies a neños y neñes que cursaran 2^u Ciclu d'Infantil, Primaria y 1^u o 2^u d'ESO nel cursu 2022-23 que remata.



3.- PREINSCRIPCIÓN: Dende'l 26 de mayu hasta'l 4 de xunu de 2023.

La preinscripción va facese namás rellanando un formulariu Google nel que se recueyen tolos datos necesarios pa tramitar la plaza. <https://forms.gle/A4kWf5kxzLXZC3E9A>

Esti formulariu atópase na páxina web del Ayuntamiento, lo mesmo que na páxina web del Plan d'Infancia.

4.- CONFIRMACIÓN RESERVA PLAZA.

En mandando'l formulariu, el padre, la madre o'l representante llegal que lu rellenara habrá entregar, primero del 8 de xunu del 2023, l'Anexu I que s'axunta, bien cubiertu y firmáu, nos servicios de Conserxería de les siguientes instalaciones:

- Casa Conceyu, Plaza d'Europa, Piedrasblancas. Horariu de 9.00 a 14.00 hores
- Biblioteca de Piedrasblancas, C/Alfonso I, Piedrasblancas. Horariu de 9.00 a 21.00 hores
- Biblioteca de Salinas, C/Doctor Carreño nº 5, Salinas. Horariu de 10.30 a 13.30 y de 16.30 a 20.30 hores.

L'axudicación de la plaza nun va ser efectiva si nun se cubre l'Anexu I y s'entrega nel plazu establecíu nos llugares indicaos.

5.- PUBLICACIÓN DE LA LLISTA D'ALMITÍOS/ES:

Con fecha 14 de xunu del 2023 va publicase la llista de persones almitíes na páxina web del Ayuntamiento de Castrillón y na del Plan d'Infancia y Adolescencia

6.- INFORMACIÓN:

OFICINA DE INFORMACIÓN XUVENIL. Teléfono 985 507918. Llunes a vienres de 9.00 a 14.00 hores - campamentos@castrillon.es

7.- REQUISITOS:

Empadronamientu en conceyu del neñu, la neña, el padre, la madre o'l tutor/a llegal, o que tean matriculaos/es en centros del conceyu.

8.-LLUGAR DE REALIZACIÓN DEL CAMPAMENTU:

El campamentu va ufiertase les 11 selmanes nel CP Maestro José Luis García Rodríguez (Campiellu, Piedrasblancas), nel CP Manuel Álvarez (Salinas) y CP Castillo Gauzón (Raíces Nuevo/La Fundación), siempre que se cubra'l mínimu de 10 plazas pa cada selmana en cada centru educativu.

Cada persona solicitante indicará'l so centru prioritariu y, en casu de nun haber grupu suficiente en Salinas o Raíces Nuevo/La Fundación, la so conformidá con acudir al campamentu en Piedrasblancas.

9.- SERVICIOS QUE S'OFRECEN:

9.1.- SERVICIU D'ACTIVIDADES D'OCIU Y TIEMPU LLIBRE tendrá un horariu de 09:00 a 14:00 hores. Serviciu gratuu. Va facese nes trés escoles siempre que se cubra'l mínimu de 10 places pa cada selmana en caúna d'elles.

9.2.- SERVICIU D'APERTURA TEMPRANA dende les 7.30 hasta les 9.00 la mañana. El serviciu va ofrecese nel CP Maestro José Luis García Rodríguez (Campiellu, Piedrasblancas) en tol periodu y nel CP Manuel Álvarez (Salinas) de la 1^{er} selmana hasta la 5^a selmana (del 26 de xunu al 28 de xunetu). Hai qu'escoyer CON o ENSIN almuerzu: indicaráse na solicitú si se necesita almorzar en centru o si s'acude nesti horariu pero nun s'almuerza ellí.



A cada modalidá d'usu va aplicase-y el costu que se recueye na Ordenanza municipal nº 403 que regula'l preciu públicu del serviciu: 2,62€ al día CON almuerzu; 1,96€ al día ENSIN almuerzu.

9.3.- SERVICIU DE COMEDOR, dende les 14:00 hasta les 15:30 hores. "El serviciu va ofrecese siempre qu'haya un mínimu de 8 places en cada selmana y centru educativu, nel CP Maestro José Luis García Rodríguez (Campiello, Piedrasblancas) tol periodu, y nel CP Manuel Álvarez (Salinas), de la 1^{er} selmana a la 5^a selmana (del 26 de xunu al 28 de xunetu del 2023). Va aplicase-y el costu que se recueye na ordenanza municipal nº 415. que regula'l preciu públicu del serviciu. Va entendese l'usu con carácter fixu'l tiempu que s'utilice'l serviciu de comedor siendo'l costu de 4,50 € al día. Nun se ofrecerá'l serviciu de manera esporádica.

En publicándose les llistes d'almisión al Campamentu de Branu, a les families solicitantes del Serviciu d'Apertura y de Comedor va pidíse-yos que faciliten un númberu de cuenta pa cargar l'importe y va tresmitíse-yos la información sobre les posibilidaes de tener bonificaciones según les Ordenances.

En publicándose les llistes definitives, l'importe selmanal pal comedor y pa l'apertura temprana (resultáu de multiplicar el númberu de díes de la selmana con actividá de campamentu o serviciu de comedor pol preciu diariu correspondiente) va cobrase anque a la fin nun se faiga usu del serviciu de comedor o d'apertura temprana.

11.- ACCESU:

Un 2% de les places va acutase pa participantes con necesidaes especiales y otu 2% pa families perceptores del salariu social, l'ingresu mínimu vital o l'ayuda municipal d'estrema necesidá.

En rematando'l plazu d'almisiones, si se produxera dalguna circunstancia extraordinaria sobrevenida que precisara d'apoyu pa la conciliación familiar, podrá facese una solicitu pa proceder a valorar la necesidá y/o urxencia del serviciu, que tará supeditada a la esistencia de places disponibles.